

Baibul Otino

Kelo

Cer Me
acel



Jo ocoo obedo: Edward Hughes

Jo Ogoo cale obedo: Janie Forest
Alastair Paterson

Jo Okoporo: Lyn Doerksen

Ngat ogonyo leb obedo: Betty Apili


Jo oyubu obedo: Bible for Children
www.M1914.org

©2020 Bible for Children, Inc.

Twero: Cik yeyi me goyo buki me icina ni teki pe icato.



Dako naca ocung ibad
got ame opong iwoo,
wange me kumu tye
aneno gin aneno lit.
Wode onwongo tye
atoo. Totere
onwongo obedo
Maria, dang
onwongo tye
ocung kan ame
oguru Yecu iye
ikor yataria.





Kodi gini en otimere
ducu nining? Kwo a Yecu
onwongo aber woki romo
tum iyoo arac aman
pingo? Ngo omio
Obanga oye ni
gur Wode ikor
yataria te too
iye pingo? Yecu
onyo onwongo pe tye
angeyo nga aen
obedo bo? Oloo
Obanga oko boo?





Pe! Pe oloo
Obanga. Yecu dang
pe onwongo otimo
bal. Yecu onwongo
ongeo oko con ni jo
moro areco bino
neke. Kadi ikare
ame en pwod tidi,
Lonoro otii dang
onwongo okobi
Maria oko ni anyim
tye opong ikumu
keken.




Ame dong odong nine
moro anonok me neko
Yecu, Dako moro obino
owiwo tyen Yecu kede moo
akur. Opwonye mere te kobo
ni, "Tye abalo cene," Yecu te
kobo ni, "en otio tic aber ape twere."
"En otimo me yika." Kopere lik pat!



Iyonge man, Yuda, ame
onwongo abedo ngat acel
ikin okwena a Yecu apar
aryo, oyee me keto idwali
ikom Yecu bot olam dog
pi ciling pyero adek.






Ikare ame gin okwero kwer me
poyo yaa oyuda i Miciri, Yecu
dong te camo cemere me agiki
kede okwena mere. En te kobi
gi kop amit apetwere ikom
Obanga kede cikere mere bot
jo amare. Eka Yecu te miyo gi
ogati kede gin iyi kopi ni opok

gini. Man me poyo
wii gi ni kom
Yecu kede
remo mere
obin omio me
kwanyo bale.



Eka Yecu te kobi owote mere ni jo aketo idwali ikome, naka gin dang ongwec oko tenge. Petero te kobo ni, "an pe angwec tenge ba," Yecu te kobo ni, "Ame twongweno pwod peru okok, anwongo dong ikwera tyen adek."





Icenere idyewor,
Yecu te ya wot
ilego ipoto
Gercamen.
Okwena ame
onwongo tye kede
dang te nino oko.
Yecu te lego ni,
"Ajoni Aba na,"
"... Wek kopi ni
kata oko. Pe kit
ame an amito
kede ento alubu
miti ni."



Eka jo moro apol te donyo atura iyi
poto, kun Yuda tye oteligi yoo. Yecu
pe okwero amako ento Petero te
tongo yit dano acel ikingi oko.
Yecu te gudu yit lonaca aliling
eka yite te cang oko. Yecu
onwongo ongeoko oko ni
amako mere obedo
miti Obanga.



Jonaca te tero Yecu iot alamdog adwong. Ikunu,
otela oyuda te kobo ni myero nek Yecu oko. Petero
onwongo tye ocung aneno ilanget mac opii. Tyen

adek twal ame jo oneno
Petero ote kobo ni, "Yin
onwongo itye wun i Yecu!"


Tyen adek twal ame
Petero okwero acil,
kit ame onwongo
okobo kede.

Petero kom
dang olamere
dang te
kwongere.



**ku-kuku-
luru-kuk**

Cutucutu, twon gweno
te kok. Onwongo tye
iloki dwon Obanga bot
Petero. Ikare ame
opoyo kop a Yecu en
okok alit tutwal.





Yuda dang cunye ocwer
pi balere tutwal. En
gite onwongo ngeo ni Yecu
balere pe kadi acel. Yuda
te dwoko ciling pyero adek
ca cen, ento olamdog
te kwero oko.





Yuda te bolo
cene ca oko piny,
te wot ooko te
wot deye oko.






Olamdog te kelo Yecu
inyim Pilato, a loc me
Roma. Pilato te kobo
ni, "An pe anwongo
baloro keken ikom
danoni." Ento jo
omede ameda iredo
ni, "Gure ikor yataria!
Gure ikor yataria!"



Iyi agiki mere Pilato dong te yee
eka te ngolo too ikor yataria iwi
Yecu. Ocikari ododongo Yecu,
ongulu lao iwange dang ote pwode
apetwere. Gin ote yubu otacoro
arac ame oyubu kede okutu mogo
abit dang aboco ote rwako diyo
iwie. Eka ote gure ikor yataria
me bao te too iye.



Yecu onwongo ongeog con ni eto kito. En dang
onwongo ongeog ni etoo me timo obal ame keto gen
gi ikome kica. Jo oguru otim bal aryo ilanget Yecu
ryoryo. Acel onwongo yee
ikom Yecu eka - te wot
ikwo me kwogo. En
okene ca pe owoto.



Inge cane pi cawa alac, Yecu
okobo ni, "Otum," eka te
dong too. Ticere dong
onwongo otum. Owote
mere te yike iyii
bur lyelere kene.



Ocikari me Roma te
guru dog lyel ducu
ote kuru gini.
Ngatoro dong
onwongo pe romo
donyo iyie kunu -
onyo kato oko.



Ka onwongo agiki me kop ducu
ene, onwongo acwero cuny jo
pat. Ento Obanga te tiyo
me awura pat. Yecu
pe dong obedo ame
oto atwali!




Odiko con inino me acel me
cabit, Okwena a Yecu mogo
onwongo kidi ame ocego
kede dog lyel otye oloro
tenge. Ikare ame
gin oneno yii lyel,
onwongo Yecu
pe iye.



Dako moro acel odong te bedo kok
idog lyel. Yecu te nen bote! En
oringo odok cen itwon lelo
adwong me kobi okwena
okene. "YECU TYE KWO
YECU ODWOGO OKO
IKIN JO OTO!"





Oyotoyot Yecu te bino bot okwena, te
nyutigi wang poo me cumal ame onwongo
ogure kede. Onwongo ateni! YECU DOK
ONWONGO TYE KWO! Te timo Petero
kica pi kwere, dang te kobi okwene mere
me kobi jo okene kop ikome. Eka te
dok oko ipolo kan aen oyaa iye.



Cer Me acel

Icina ame oyaa ikop Obanga, ame obedo Baibul
nwongere i

Matayo 26-28, Luka 22-24,
Lakana 13-21

"Dogola me kopi mio lero."
Jabuli 119:130



Agiki



Icina me Baibul kobiwa kop ikom Obangawa
aber woki ame ocweowa dang tye amito ni inge.

Obanga ngeo ni wan otimo gin areco, ame En lwongo ni bal.
Pwod me bal obedo too, Ento Obanga mari tutwal, en ocwalo
Wode, Yecu, me too ikor yataria wek jo pwode pi baleni. Eka
Yecu te cer oko eka te wot pacu i Polo! Ka yin iyee ikom Yecu
ite kwaye ni en timi kica pi bali, En atimo dang! En te bino
kwo ikomi, Eka yin ite kwo kede en pii naka.

Ka iyee ni man abedo kop ateni, kob kiti bot Obanga:

Ama Yecu, an ayee ni ibedo Obanga, dang idoko dano
me wek itoo pi balena, ento aman dok itye kwo. Tim ber
ibin ikwoona me itima kica ibalena, me wek dong abed ikwo
anyen, wek nino moro abin akwoo kedi naka. Konya me
wori dang me kwo piri acalo atini. Amen.

Kwan Baibul wek ikob wun Obanga nino inino! Lakana 3:16

